

Exposicion Waldy Simson na Galeria Pegasus

ORANJESTAD - E artista polifacetico, Ricardo Simson, kende a naci na Surnam y actualmente ta biba na Aruba, tin e honor pa introduci e arte di tiffany oficialmente na Hamaica.

Simson lo representa Aruba y Surnam for di dia 28 di September te cu dia 12 di October venidero, na e exposicion Waldy Simson na Galeria Pegasus, na unda pa promebiaha den historia di arte di Hamaica obranan di arte tiffany lo wordo expone. Tiffany ta e forma moderno di arte consistiendo di figura di glas hinca den chumbo.

E artista kende lo expone mas o menos 30 obra artistico, inclui tambe pinturanan cu lo wordo haci na base di diferente tecnica, sigur lo duna e publico un resumen den un parti di su obranan artistico cu a wordo crea e cuater añanan pasa.

Vera Ennis, directora di Galeria Pegasus, cu hopi orguyo



ta bisa cu e lo ta interesa pa tende y wak e reaccionnan di e publico riba e arte di Simson di

kende e obranan di arte tiffany lo wordo introduci oficialmente den su galeria.

A18 | LOCAL

Son de Carr, 24 september 2001
[Signature]